

Evening Dogri (NSD) Bulletin

23-06-2025

आकाशवाणी

खबरां

- इजराइल नै दावा कीता ऐ जे ईरान दे केरमानशाह प्रांत च फौजी बुनियादी ढांचे पर हमला कीता गेआ ऐ।
- राष्ट्रपति द्रौपदी मुर्मू होरें I.C.M.A.I दे दीक्षांत समारोह च आखेआ जे स्थिरता हुन कोई नारा नेई बल्के एह जरूरत बनी चुकी दी ऐ।
- रक्षा मंत्री राजनाथ सिंह होरें राष्ट्रपति द्रौपदी मुर्मू हुंदे आसेआ दित्ते दे भाशणें दा दुआ खण्ड 'Wings to our hopes' नांs दी कताब दा विमोचन कीता।
- केंद्री मंत्री डॉ. जतिंद्र सिंह होरें आखेआ जे पिछले 11 बरें च भारत दी विकास गाथा दा इंजन बनी टेकनालजी।
- राष्ट्र अज्ज डॉ. श्यामा प्रसाद मुखर्जी हुंदे बलिदान दिवस पर उनेंगी श्रद्धांजलि देआ'रदा ऐ।
- मौसम विभाग नै राजस्थान ते मध्य प्रदेश दे किश हिस्सें च भारी बरखें दा रेड अलर्ट जारी कीता ऐ।

<><><><><><>

Iran-Israel Conflict

ईरान ते इजराइल बश्कार संघर्ष जारी रौहने दे कन्नो-कन्नी इजराइल फौज नै अज्ज दावा कीता जे उनें ईरान थमां दागी गई मिसाइलें गी रोकने दे तुरत बाद ईरान पर ब्हाई हमलें दी इक नमीं लैहर शुरू कीती ऐ। उनें आखेआ जे इजराइल नै इरान दे करमनशाह प्रांत च फौजी बुनियादी ढांचे दी थाहरै गी नशाना बनाया, सतह थमां सतह पर मार करने आहली मिसाइल प्रक्षेपण ते भंडारण सुविधा पर हमला कीता। इस अभियान च 15 शा मते युद्धक जहाज शामिल हे। एहदे बाद इजराइल फौज नै ईरान

थमां औने आहली मिसाइलें दे खतरें दा हवाला दिंदे होई मध्य ते दक्खनी इजराइल च ब्हाई हमलें दे सायरन सक्रिय करी दित्ते। एहू घटनाक्रम ईरान दी परमाणु सुविधाएं पर अमरीकी ब्हाई हमलें दे बाद पच्छिम एशिया च बदे दे तनाऽ दे चलदे होआ। संकट गी घट्ट करने लेई मास्को च उच्च सतरीय वार्ता चला रदी ऐ।

<><><><><><>

President

राश्ट्रपति द्रौपदी मुर्मू होरें आखेआ जे विश्व जलवायु परिवर्तन दे संकट दा सामना करारदा ऐ। उनें आखेआ जे स्थिरता हुन कोई नारा नेई बल्के एहू जरूरत बनी गेदी ऐ। नमीं दिल्ली च भारती लागत लेखाकार संस्था दे नेशनल स्टूडेंट्स दीक्षांत 2025 गी संबोधित करदे होई राश्ट्रपति होरें आखेआ जे विद्यार्थी अपने कौशल कन्नै इस उपग्रह दे भविष्य च महत्वपूर्ण बदलाव आहन्नी सकदे न। राश्ट्रपति होरें आखेआ जे भारी लागत लेखागार संस्थान देश दी प्रगति च इक सांझेदार रेआ ऐ। उनें आखेआ जे लेखांकन ते जवाबदेही गहराई कन्नै जुडी दी ऐ।

<><><><><><>

President-Book Lanuch

रक्षा मंत्री राजनाथ सिंह होरें अज्ज संज्ञा नमीं दिल्ली च wings to our hopes-volume 2 ना दी कताब दा विमोचन कीता। इस कताब च राश्ट्रपति द्रौपदी मुर्मू हुंदे आसेआ अगस्त 2023 थमां जुलाई 2024 दी अवधि बश्कार दित्ते गेदे भाषण शामिल ऐ। समारोह च सूचना ते प्रसाण मंत्री अश्विनी वैष्णव ते राज्यमंत्री डॉ. एल मुरुगनहोर बी शामिल होए। इस मौके पर बोलदे होई रक्षा मंत्री होरें आखेआ जे एहू कताब लोकं गी विकसित भारत दे लक्ष्यें गी हासल करने दी दिशा च कम्म करने लेई प्रेरित करोग।

<><><><><><>

Jitendra-Science

विज्ञान ते प्रौद्योगिकी राज्यमंत्री डॉ. जितेंद्र सिंह होरें आखेआ जे पिछले 11 बरें च टेकनालजी भारत दी विकास गाथा दा इंजन बनी गई ऐ। नमीं दिल्ली च 11 बरें च वैज्ञानिक उपलब्धियों पर इक संवाददाता सम्मेलन गी संबोधित करदे होई डॉ. सिंह होरें आखेआ जे 2014 च देश च छड़ा 50 बायोटेक स्टार्ट अप हे, जेड़ा बढिये 10 ज्हार शा मता होई गेआ ऐ। विविधता च एकता च भारत दी ताकत पर जोर दिंदे होई उनें जैव विधिता गी टिकाउ विकास लेई इक विशेष संसाधन दस्सेआ।

<><><><><><>

Special-Feature 11 Years

राश्ट्र नै सेवा, सुशासन ते गरीब कल्याण दे सिद्धांतें सोयां प्रेरित होइयै इक दहाके च टकोहदा बदलाव कीता ऐ। आकाशवाणी समाचार तुंदे लेई पिछले 11 बरें च प्रमुख क्षेत्रें च सरकार दे जत्तें पर इक खास फीचर लेइए आया ऐ। अज्ज अस समावेशी विकास आस्तै भारत दी अटूट बचनबद्धता पर ध्यान केंद्रित करा'रने आं, मुख्य दे अल्पसंख्यक समुदायें आस्तै सशक्तिकरण मौके ते सुधार दी यात्रा। पिछले इक दहाके च सरकार नै शिक्षा, आर्थिक सशक्तिकरण ते बुनियादी ढांचे दे विकास राएं अल्पसंख्यक समुदायें दे उत्थान च महत्वपूर्ण कम्म कीते न। प्रधानमंत्री जन विकास कार्यक्रम नै गै 18 ज्हार 400 करोड़ रपे थमां मती दी परियोजनाएं गी मंजूरी दित्ती। इस दौरान राष्ट्रीय अल्पसंख्यक विकास ते वित्त निगम नै पिछले वर्गें गी रियायती दोहार प्रदान करदे होई इक अशारिया 74 लक्ख थवां मते लाभार्थीं गी 752 करोड़ रपे थवां मते बंडु गए। ऐतिहासिक वक् संशोधन अधिनियम 2025 कन्नै गै उम्मीद पोर्टल दी शुरूआत नै पारदर्शिता ते शासन गी मजबूत कीता।

<><><><><><>

Amit-Shah

गृह मंत्री अमित शाह होर कल उत्तर प्रदेश दे वाराणसी च मध्य क्षेत्रीय परिषद दी 25मीं बैठक दी अध्यक्षता करंगन। मध्य क्षेत्रीय परिषद च छत्तीसगढ़, मध्य प्रदेश, उत्तराखंड ते उत्तर प्रदेश राज्य

शामल ना। इस बैठक च सदस्य राज्यें दे मुखमंत्रियें ते राज्य दे दो वरिष्ठ मंत्री बी शामिल होंगन। पिछले किश बरें च क्षेत्रीय परिषदें दी भूमिका बकब-बकब खेत्तरें च आपसी समझ ते सहयोग दे स्वस्थ बंधन गी बढ़ावा देने च अहम रेई ऐ।

<><><><><><>

NIA-Court

पैहलगाम आतंकी हमले आहले मामले च गिरफ्तार कीते गेदे दऊं आरोपिणं परवेज अहमद जोथर ते बशीर अहमद जोथर गी अज्ज जम्मू दी इक अदालतै च पेश कीता गेआ। आकाशवाणी दे जम्मू जिला संवाददाता अंकुश शर्मा नै जानकारी दित्ती ऐ जे दौनें आरोपिणं गी जम्मू च अतिरिक्त जिला ते सेशनस जज दे सामने पेश कीता। सुनवाई दे बाद अदालतै दौनें गी अगगे दी पुच्छ-गिच्छ लेई एन.आई.ए दी 5एं दिनें दी हिरासतै च भेजी दितता ते सुनवाई लेई अगली तरीक 27 जून पाई गेई ऐ।

<><><><><><>

Udh. Property-Attached

गैर कनूनी गतिविधिणं पर रोक लाने सरबन्धी कनून तैहत इक बड़ी कार्रवाई करदे होई उधमपुर पुलसै आतंकवादी गतिविधिणं कन्नै जुड़े दे इक आदमी दी संपत्ति जब्त कीती ऐ। आकाशवाणी दे उधमपुर जिला संवाददाता अचिन दुबे नै जानकारी दितती ऐ जे जब्त जिमी संपत्ति मोहम्मद शफीक ना दे इक आदमी दी ऐ जेड़ा एल्लै न्यायिक हिरासतै च ऐ ते एह कदवाह दा रौहने आहला ऐ। अधिकारिक हुकमै मूजब इस जिमी गी नां गै बेचेआ जाई सकदा ऐ ते ना गै पट्टे पर दित्ता जाई सकदा ऐ ते नां गै कुसै होर दे नां कीता जाई सकदा ऐ। इस मामले च पुच्छ-गिच्छ ते अगगे दी जांच कीती जा'रदी ऐ जे आतंकी गतिविधिणं कन्नै जुड़े दे होरनें लोकें दा बी पता लगगी सकदा ऐ। इस कार्रवाई कन्नै आतंकी गतिविधिणं लेई रपेआ-पैहा उपलब्ध कराने आहले लोकें दे नेटवर्क पर काफी हदें तगर रोक लगगी सकोग।

<><><><><><>

Mookherjee-Tributes

अज्ज राश्ट्र डॉ. श्यामा प्रसाद मुखर्जीं गी श्रद्धांजलि देआ'रदा ऐ। प्रधानमंत्री नरेंद्र मोदी होरें डॉ. मुखर्जीं होरें गी श्रद्धांजलि दित्ती। सोशल मीडिया पोस्ट च श्री मोदी होरें आखेआ जे डॉ. मुखर्जीं होरें देश दी अखंडता गी अक्षुण्ण रखने लेई तुलनीय साहस दा परिचय दित्ता। प्रधानमंत्री होरें आखेआ जे राश्ट्र निर्माण च उंदे अमूल्य योगदान गी म्हेशां श्रद्धा कन्नै चेतता रक्खेआ जाग।

<><><><><><>

LG-Tributes

उपराज्यपाल मनोज सिन्हा होरें डॉ. श्यामा प्रसाद मुखर्जीं होरें'गी उंदी पुण्यतीथि पर श्रद्धांजलि भेंट कीती। अपनी इक सोशल मीडिया पोस्ट च उपराज्यपाल होरें उनेंगी आधुनिक ते संगठित भारत दा निर्माता दस्सेआ। उनें उन्दे नेतृत्व गी ते उन्दे नजरिए गी उजागर कीता। मनोज सिन्हा होरें आखेआ जे डॉ. मुखर्जीं हुंदी लोकें दे कल्याण प्रति बचनबद्धता मुल्य गी प्रेरित करदी रौहग ते साहडा मार्गदर्शन करोग।

<><><><><><>

IMD

भारती मौसम विभाग नै अज्ज राजस्थान ते मध्य प्रदेश दे किश हिस्सें च रेड अलर्ट जारी कीता ऐ। अगले 2 दिनें दौरान दक्खन पच्छिम मानसून दे अगो बदने लेई हालात साजगार ऐ। शुक्रवार तोड़ी मुल्ये दे पच्छिम हिस्सें च कुते-कुते भारी बरखा होने दी मेद ऐ।

<><><><><><>

PM-MKB

प्रधानमंत्री नरेंद्र मोदी होर इस म्हीने दी 29 तरीक गी आकाशवाणी पर प्रसारित होने आहले अपने माहवार रेडियो कार्यक्रम “मन की बात” राएं देश-विदेश दे लोकें कन्नै अपने विचार सांझे करडन। एहू इस कार्यक्रम दी 123मीं किशत होग। लोक इस कार्यक्रम लेई अपने विचार ते सुझा टोल फ्री नंबर 1800-11-7800 पर सांझे करी सकदे न।

<><><><><><>

Kanishka Plane bombing

कनिष्क बम धमाके दे 40 बरे पूरे होने पर केंद्री पेट्रोलियम ते कुदरती गैस सरबन्धी मंत्री हरदीप सिंह पुरी होरें 8 सदस्यीय भारती प्रतिनिधिमंडल कन्नै आयरलैंड दे कार्क च अहाकिस्ता स्मारक पर कनिष्क बम धमाके दे पीड़ितें गी श्रद्धांजलि दित्ती। प्रतिनिधिमंडल च बीजेपी दे राश्ट्री महासचिव तरूण चुघ ते केई राज्यें दे विधायक शामिल हे। आयरिश प्रधानमंत्री माइकल मार्टिन ते कनाडा दे सार्वजनिक सुरक्षा मंत्री गैरी आनंदसांगरी होरें बी पीड़ितें गी श्रद्धांजलि दित्ती। 1985 च अज्जै दे गै ध्याड़े एयर इंडिया दी फ्लाइट 182 जेडी मेट्रेल थमां लंदन ते फी नमीं दिल्ली जा रदी ही, कनाडा स्थित खालिस्तानी आतंकवादियें आसेआ कीते गेदे कायराना आतंकवादी हमले च अटलांटिक महासागर दे उप्पर हवा च गै हादसे दा शिकार होई गई ही। इस हमले च 329 बेदोसे यात्री मारे गे हे।

<><><><><><>

Op Sindhu

विदेश राज्यमंत्री पवित्रा मार्गेरिटा होरें ईरान दे मशहद थमां कल रातीं विशेष डुआरी राएं नमीं दिल्ली पुजे दे 285 भारतीय नागरिकें दी ब्हाई अड्डे पर अगवानी कीती। उनें आखेआ जे आपरेशन सिंधु तैहत हुनै तोड़ी 1 ज्हार 713 भारतीयें गी ईरान थमां सुरक्षित कड्डेआ गेआ ऐ। इजराइल ते जार्डन च भारती मिशन नै सांझे प्रयासें ताई 160 भारती कड्डे।

<><><><><><>

Doda-Tourism

पहलगाम आतंकी हमले दे मगरा सैलसफा खेत्तर गी लग्गी दी जबरदस्त पच्छाड़ दे मगरा हून डोडा जिले दे भद्रवाह दी मशहूर जाई घाटी च इक बारी फ्ही सैलानिएं दी खरी मती आमद दिक्खने गी लब्भा करदी ऐ। डिप्टी कमिशनर हरविंदर सिंह होरें आखेआ ऐ जे एलजी मनोज सिन्हा हुं'दे निर्देशें पर सैलानिएं अंदर बसाह-भरोसा ब्हाल करने लेई केई गैहीं पुट्टियां गेइयां न। सैलसफा निदेशालय दे सैह्योग कन्नै खित्ते च सैलसफा गी बढावा देने दे मकसद कन्नै केई सारी मशहूर हस्तिएं गी बी खास तौर पर सद्देया गेदा हा। मुकामी प्रशासन ते जनजातीय समुदाय दे जतनें दे चलदे हून जाई घाटी च हर रोज तकरीबन 4 ज्हार सैलानिएं दी आमद दर्ज कीती जा'रदी ऐ ते एह्दे कन्नै मुकामी अर्थबवस्था गी बी खरा मता बढावा थ्होआ करदा ऐ।

<><><><><><>